



雲石集一

詩

共十

~ 16
2351
1



和
2351
1-10

雲石遺稿序



雲石趙文忠公。司命文章數十年矣。嗣子孝獻公蒐輯遺文，淨寫未成而歿。公之婿金閣學學性氏就全稿而鯁理爲定本。至孫直學寧夏，乃克編校而刊布。凡二十卷，以定鉉辱公知甚厚，屬令論次之。竊嘗以爲治文猶治兵也。程子曰：「多多益辦，只是分數明，分數明則將百萬之衆若百體之統於心，不令而從，量其材而各授之任，以之爲戰守攻取，由其胷中瞭然有成算，故能御衆如寡，多多而益辦也。」文之爲道甚廣而派流甚繁，有散行對偶之殊製，詩亦有五七言。


古近體之別分路揚鑣不相爲謀歷選往哲惟歐蘇
二文忠之作爲能兼之其謂論大道論事記事詩賦
之似古人又謂如行雲流水初無定質者是也近世
固不乏專精一門偏至而獨勝者然衆體具美無有
利鈍若公之爲則鮮矣始公先大夫孝文公邃於易
學爲文則取法廬陵公河嶽挺生聰明特達眼光如
曙星讀書五行俱下下筆立就千言濡染矩矱沿家
庭而益濬以治汪洋無涯得之眉山者爲多未弱冠
聲名藉甚爲世推服及夫高步天衢主盟詞垣總奎
壁之府紬石室之藏掌絲綸而贊鴻猷握管揆藻罔

非卿雲仙露爲人間之瑞蓋本原經史旁羅百家積
厚而時出之氣充法備沛乎有餘更歷事變齒德愈
尊而文亦益以老矣代撰 教令嚴正惻怛牖迷而
孚冥奏疏言事指陳利害剴切條鬯務在感動 上
聽碑志紀述摸寫工而風神燁然序記論策或歛或
縱各適其宜駢儷精鍊主於暢達詩詞則雋而潔麗
而不靡大而高文典冊小而尺牘題評授意命辭所
遇成章所以施於廊廟播於藝林鳴一代之盛而成
千秋之業淵乎富哉公內蘊亮朗物無遁照樞機密
而秤錘不差于以綜理事務動輒中窾羣疑衆難片

言剖析歷試中外咸著績庸屢秉句軸澤利覃洽故
文亦如之取於心而注於手奇正合變方圓銳直殊
形而共貫布置井井應用不窮所謂分數明而多多
益辦者其以是歟我 憲宗大王冲齡嗣服公以肺
腑之親獨任內講如漢之授帝書禁中者將就 睿
學以基十五載郅隆之治殆天所命膺時而出自古
文人之所未有也賤臣嘗侍前席 上每語公內講
時事自朝至日晷不離左右勤勤懇懇竭誠勉戒予
敬而憚之誦讀溫習未或少違典學而有進嚴師之
力也公之文章之用於是爲大有功於國家不特

著作之炳烺而已敢述昔日 聖諭以告後之讀公
文者

聖上五年戊辰四月旣望帶方尹定鉉謹撰



雲石遺稿序

士生大有之世德可以尊主庇民功可以調娛匡維
見於言者又可以華國而鳴盛者雲石趙文忠公其
人也公胚胎於忠孝前光性靈所蘊通明公溥其言
行見識文學政術無一事不造其極自持清裁矚然
不滓凡厥施措爲世模楷是以惟我 憲宗大王學
焉而臣之亦粵我 純元聖母特畀句軸托以翊冲
之功若古武丁之有甘盤宣仁后之相司馬用能成
就君德宥密丕基詩所云颺颺印印如圭如璋令聞
令望豈弟君子四方爲綱者其惟公之謂歟時則

聖主垂拱朝野乂安猶且憂明慮治遑遑寓於酒而
形於辭輒嗚咽流涕至誠苦衷可質蒼天若公者無
愧乎古所稱社稷臣文章特餘事耳庸詎以作家者
流夸其傳後已哉然公於文天分甚高上窺下逮積
厚時出馴雅而不流於靡曼簡當而不涉於晦澀如
用兵者明於分數治病者審於虛實甫成童已替先
公之勞雖遇倉卒立草千言有若宿構精鍊合度咳
唾之得於暇豫者雋而潔敦柔而冲和傑然爲文苑
宗匠郊廟朝廷之用大鋪鴻藻應一代笙鏞黼黻之
需公於斯術可謂盡其能事卽乎公之立言其有德

有功之盛可推而知奚可但曰餘事云乎哉後有知
人論世之君子誦公之詩讀公之書當信吾言之非
私諛於公也所著述公嗣子孝獻公拼擋篋衍類而
編之屬余刪定校勘未潰于成行且有年矣今嗣孫
直提學寧夏始餒于梓以行俯仰人事之感屢唏而
有餘涕矣嗚呼學性早廁甥館辱公德愛常謬獎曰
吾之知己竊愧蠢愚不足以當公意尙幸親炙之久
粗有蘭室之薰沐公實我師也昔黃勉齋次朱文公
遺錄曰讀之悚然如侍燕閒而承警咳信哉言乎
歲戊辰肇夏女壻清風金學性謹序

暮到樓院

祝石嶺

滯雨

巖間石佛

臥龍巖

塲巖午炊

農巖舊宅

仙遊潭逢李士秋

源錫

遊楓嶽歸

贈玉上人

步踰多蘿峙

三直瀑

孟岱午炊

谷雲影堂

四首

疊石臺

籠水亭

白雲潭

貊國懷古

金光草

古碑

鐵杖

清平山

獸奔

大勝嶺

寒溪瀑布

玉屏書院 四首

長安寺

須彌十曲

正陽寺

天一臺

普德窟

衆香城

妙吉祥

毗盧峰

九龍淵

內水站

叢石亭

海山亭

日出

秋宵詩牌排律

又用詩牌三百二十字

詩牌聯句

秋夜鬪詩牌 四首

李景進見訪江榭拈杜韻

李聖瑞 海應 留詩而去追步以謝之 二首

斗湖泛舟

燈夕聯句用卦名體同懷蘭作

敬次家大人 華寧殿齋居韻

訪花隨柳亭

李景博 光文 兄弟來遊值風雨未能巡城晚飲

訪花隨柳亭

謹次金淵泉丈人 履陽 俯示韻

秋宵小集

詠畫柳

李黃庭 台升 夜至

李學士可用 潞 來訪共賦

早起

奉簡李可用

以明文奇賞奉借李可用仍呈長句乞和

次李可用韻

憫旱

用前韻詠 太宗雨

喜雨

葡萄

海棠

過李黃庭斗臣

初秋遇西都賓共賦

客至

次三淵集韻 五首

走續三韻奉贈金祈汝 教永 行篋 三首

楊浦餞春日陪伯氏共舟仍迓牙湖尹使君姐

兄 慶烈 領漕之行

久雨有客

靜遠文見訪共宿 二首

酒禁

晚秋次春樓三從兄 哲永 韻 二首

次古琴篇琴腹有奇篆云

昔歐公問東坡琴詩孰優坡曰退之聽穎師琴

歐公曰此祇是琵琶響耳春樓文見余琴詩

以為似伽倻之琴其語絕相類故更步前韻

解嘲仍乞俯和

省永楸歸路擬訪研經齋成君海應未果述懷

十首奉寄

小華學士李景博燕行驢章二首

簡申仲之燕行途中

暮春駱園小集

次李學士彝仲堦老兄恨花怨玉二韻呈春樓

三從兄

更用前韻分屬諸公五首

憫旱聯句同李聖瑞李景養作

乙亥冬隨北海再從兄鍾永副价之行淵泉金

尚書贈以五首詩途中謹次

碧蹄懷古

途中上伯氏

曉發崧陽

金陵途中

謹次上使洪澹寧義浩玉溜泉韻

上伯氏

渡鴨江五首

慈秀次上价韻

鄂家庄送林督郵貞鎮還

戲次行臺曹來鶴錫正

連山關次上价韻

鳳山走次李君廷稷韻

雲石遺稿卷之一

詩

七月既望陪伯氏石厓先生遊於清潭李景進

止淵景養晦淵景國紀淵全士進就行安大汝

光集明汝光永偕焉壬戌

迢迢秋館夜流水又高峰下地人方夢中天月好容
前塵忙六驥千載萃羣龍澹忘形骸外膠水孰滯曾

峽行

細路崎嶇步步賒峰巒忽竦洞門訝溪聲每與禽聲
亂雲影時從樹影斜店客淘金堪歎息峽民耕火亦



生涯詩興任看山日暮白烟飛處兩三家

蒼玉屏

蒼玉屏前宿山烟晚飛飛高松忽倒水仰看欲斜暉

三釜淵

路經百折捫懸坂石作三渦拄巨盃亂插尖峰迴日月直垂雄瀑擣風雷從知秘窟靈蛟伏惟許危巢獨鶴來自古名區皆有主淵翁一去更誰哉

褒忠祠

鼓角淒生響野祠風雨中陪臣殉上國於古有誰同故宅雙行淚遺碑一片忠斜陽移老柳不忍憶遼東

北寬亭

連天草色泰封州醉倚高樓動客愁關塞浮雲三百里山河有國一千秋東來勝境斯爲壯日落遐情轉入幽異代興亡那足道眼前風物自供遊

暮到樓院 癸亥

山水行裝起病中東來喜得故人同重陽時節鴻邊路遊子襟懷馬上風日色纔過樓院暮秋光直與道峰崇楊州未罷西湖禁閒却村墟賣酒翁

祝石嶺

秋日翳翳秋雲宿西風亂落蒼山木征夫對景謔且

悲道路漫漫無遲速朝發綠楊三十里祝石嶺頭憇
我僕蚩氓抱布山市歸時是九月授寒服試問今歲
峽中農但道綿開禾不熟吾輩安知耕作力徒爾遠
遊恣心目

滯雨

昨夜零零雨支離到晚暉新川石上走宿霧林中飛
逆旅何其苦行人若此稀仙區咫尺在我夢空依依

巖間石佛

巖間小石佛寂寞生苔蘚默坐經千劫真妄那得辨
臥龍巖

我聞龍之臥形狀極蟠屈今見臥龍巖誰謂爾神物
變化終難知會待風雷拂

塲巖午炊

清瀨潺湲路通白雲寂寞村掩午炊何事相催但恐
日暮山險

農巖舊宅

文簡先生峽裏村數間亭子百年存巖泉夔絕操琴
響草木蕭森負杖痕此地元非遺世道當時端為痛
家門秋風路入清冷瀨堪向何人古事言

仙遊潭逢李士秋

源錫

遊楓嶽歸

流水明澄秋色涵神仙一去有空潭伊人不見寒雲
待遊子相逢老木叅華嶽行裝探警句滄浪消息入
清談要將此日無窮意更上招提 缺盡酣

贈玉上人

上人飛一筇何處秋光覽逢別太忽忽名山易爲感

步踰多蘿峙

大多蘿峙千萬壘巢鸞臺與青天接直從白雲踰谷
雲雲筇飄然引山屨仄磴宛轉窮一源往往潭瀑清
可挹巨石嶄嶄細石滑秋水峻駛殆難涉復看萬木
相糾連其下紅積風霜葉牛馬不能通南北羸樵健

獵愁登躡我是一生初見者十步九僵因氣懾手摘
懸果聊解渴足據盤根稍息脅底事探奇不知休強
欲辛苦行岌業九曲名畫七分綃至今古蹟幽人愜
况聞靈山紫芝草千年不老光燁燁

三直瀑

三日水聲裏幽興更未了山行五十里洞天漸窈窕
中有三直淵潛通石局小飛湍激寒飈爽氣涵清曉
恨無吹笙人長歌自嫋嫋

孟岱午炊

逢人問人居指我溪南隴洞虛村又孤古木爲相拱

雲石遺稿 卷一
谷雲影堂

何事谷雲翁獨尊諸葛武非徒人物爲適以地名主
巴蜀功三分朝鮮感萬古永野有龍巖亦合荆祠宇

右諸葛公

夜凉山月明公像七分在獨許竹凌冬忽言桑變海
人間佛有緣世外狂無罪志事竟誰知雪岑空自待

右清寒子

哲士能先知盈虛定有信自求素履存不顧青雲進
山仰後生心霜添君子鬢冥鴻遠去之猶得清標認

右谷雲翁

去年三釜淵寥廓悵夕照道學亦氣數文章一歌嘯
身拋廊廟憂迹遍山川竅君子光霽像省識丹青妙

右三淵翁

疊石臺

看到華溪最上臯奇巖對對兩邊高瓊籤窈窕堆千
卷雲笈玲瓏劈一刀人在丹山藏鳳篆神歸蒼水吐
龍濤張公倘入琅琊府未必書生翰墨勞

籠水亭

四曲籠水亭籠盡九曲水羣響玉琮琤餘音雜流徵
塵喧兩相忘處處青峰峙虛襟遇真境清風乍離披

所懷尤翁碑永言良如此

白雲潭

驪珠不得夢中安解怕詩人放眼看觸石雲光生曉
潤滿山水氣作秋寒瑤池古譜歌三疊銀浦新章錦
一端堪笑八公迷此境謾教鷄犬上天壇

貊國懷古

北中自是貊王都太古東方卽一胡風俗不傳三國
史山川曾入九夷圖輕塵蝸角功偏小冷劫蠶叢夢
已孤木食巢居雖薄鄙尙知忠信未全無

金光草

壽春東北多深壑麒麟縣出神異藥榦如紫玉根如
永葉之初生何沃若土人呼爲金光芝爭傳服食功
施博救除瘥瘵同蓼芪沈作菹羹代藜藿誰知十洲
三秀寶亭毒含英此地托炎帝赭鞭今斷絕百卉溫
涼相舛錯俗醫但鼓膠柱瑟危於悍馬馭朽索我質
尪羸仍多病伊來金石皆糟粕未學摩瘡萬全術那
識治心太上格去訪名山採靈草願言一餐消百瘼
菊花泉甘胡公飲杏樹井潔蘇仙鑿不須坐讀黃庭
經枕中自有金丹約

古碑

一希夷子遺墟碑刻
二益齋藏經碑折

雲石遺稿 卷一
古碑穹然立風雨千餘載又有一片石斷截埋荒穢
摩挲不忍去何人銘其背點沙洗蒼苔蟲鳥半已碎
雖未接成理猶能識大槩希夷事蹟留益齋文章在
藏經非爲貴遺墟人自愛從今復經劫存者若掩廢
寒山無共語何由覽前代俗士但咨嗟達者任顯晦
杜預空遠慮沈石漢水內

鐵杖

寺門遺鐵杖一夜天風踏欲知何人物須看懶翁塔

清平山

昨上白雲嶂今下青嵐岫不盡看山興更向清平走

清平果何如萬古峰巒秀高麗李處士遯世此中就
築室如鵠卵坐臥小石竇林藪無盜賊泉澤屏猛獸
仍以清平名人去地依舊巖扃倍光輝寺刹競輻湊
西川八松臺秋色攬衣袖往往名區遊至人不可覩
雪岑今已矣池月梅影瘦安知今世間復有隱荒茂
甘自老草木獨與友猿狖譬若蘇門嘯澹忘此宇宙
我懷空冲漠願言一邂逅

獸穿

虎狼爲物誘畢竟機中坐禮遠秋冬蒐功希山澤火
範驅稍有間利用無相左世路穿逾危不貪能不墮

大勝嶺

兩日留雪嶽雪嶽通靈慧又向寒溪去神情實相契
峻泉左右走崇嶺西南蔽連步絕頂登登多障滯
那得愚公力移山格上帝秋日正極短光景不可繫
好境方在前險阻安所計青藜夾道生折枝藉扶曳
休息且攀援前行復後繼正須努力處上乘非難詣
忽驚風力剛拂去快衣袂躡履雲如海迷隔人間世
回首望青峰別意益迢遼乃知身到此襟懷况無際
猶恐山不高未薄青天勢

寒溪瀑布

瀑布如飛飛若浮層峰老木半天幽淋漓氣勢聞全
夏蕭灑精神見杪秋萬道霞生蒼石脚一時虹起白
雲頭嶺西閱盡名山水獨有寒溪不負遊

玉屏書院 甲子

院樹蒼蒼墓草陳丹青祇得七分春至今猶有松間
月如見花潭學易人 右思菴
廣陵地與峒陰遙何事荒山一老樵人去百年風未
已少微星影隱寒霄 右峒隱

相國祠堂儼若臨山河正氣自清陰人生一死關榮
辱只有尤翁識此心 右文谷

寒泉水活滌源迴蒼玉屏前別洞開一部心經書讀
後清風猶自滿空臺

右讀書臺

長安寺

幾日東行始卸鞍飛虹渡口見羣巒洞深八月楓猶
早石老千年桂自寒特地為樓仙侶至名山有宅釋
徒安祥雲永護黃琉酌為說先王此駐鑾

須彌十曲

仙人有玉壺尚帶藍田色偶置蓬萊中雲遊更八極

右青壺淵

須彌洞十曲曲曲有秋響最是潭深處靈雲出其上

右龍曲潭

西流幾時迴山石空自老慷慨臨泉水相從我惠好

右萬折洞

太上貴無名笙歌秘不發至靜見真機川流自在月

右太上洞

雲白觀禪心風清聞客嘯澹然坐上流秋色來相照

右慈雲潭

千年元化洞水石冠寰宇一自鶴飛後山空多白雨

右羽化洞

終日窮源去時時好境見無端紅葉裏水激忽如霰

右清泠瀨

空雷驅萬壑白日爲之晦定知潭下物一舉卽雲外

右赤龍潭

鶴蓋乘雲霞鸞笙度日夕欲知海上仙須問山中客

右降仙臺

我登九九臺秋菊未開萼漸看白雲起衆香何落落

右九九臺

正陽寺

寺古偏秋響樓虛自夕陽行看紅葉老坐送白雲長
壁畫仙留迹龕燈佛現光借眠山榻靜疎磬語晨涼

天一臺

往年九月萬景臺雪嶽千峰望中開又被秋風吹客
去却從滄海喚朋來羣仙已許朝真約諸佛相看現
化才差喜衆香雲一片有時飛到入深杯

普德窟

仰見危如許况茲臨下危層霄銅柱起中壁鐵鉤持
石潔娘梳髮雲空佛展眉人工到極巧造化亦難思

衆香城

白雲天末起何處是衆香陸離蓮花界孰非爲珍藏
遙指層城曉但見丹霞光仙佛如夢裏羣玉不勝涼

會須滄海竭盡見七金剛

妙吉祥

剜却石頭骨人工亦入妙定知丈六化化出金光照

毗盧峰

萬二千峰不敢同毗盧真與太虛通遂令宇宙彌元
氣恒入秋冬多大風碧海無窮遊子志白雲何處聖
人工居然一杖登臨去塵世現觀地盡東

九龍淵

大瀑中天降森然坐處遙風雷生咫尺邱壑異昏朝
直放東溟去高並北斗搖龍淵第九曲神變果昭昭

內水站

病裏西風紅葉晏秋天漠漠多歸鴈使我仍起遠遊
興行裝書劍率然辦名嶽曾聞有神仙及到金剛皆
夢幻採藥遐情猶靡已海水清淺纔至骭毗盧南麓
巨靈起內山外山天所間鳥道直懸三十里但有石
磴與木棧蹋過崇橋如平地屐齒筇頭行路慣忽然
悟得夷險理從此塵世百不患

叢石亭

誰將碧玉束千叢篠節觚稜箇箇同帝女拾珠歸海
外仙官搖珮入雲中莫求形迹窺元化且扣根因質

雲石遺稿 卷一
太空亭下層濤三萬里會須乘筏破長風

海山亭

清秋病起起遐心象外飄然去去尋眼到靈山隨白
鹿脚臨滄海待青禽殊鄉千里樓臺晚孤客重陽草
木深兼得尤翁留古躅後生到此可無吟

日出

天色玄玄地色黃纔分清濁赫升陽金鷄唱報漸東
土玉駟賓來窮大荒盖有人君觀法象誰教孺子辨
炎涼祥雲一朵滄溟界願借奇遊不秘藏

秋宵詩牌排律

用三字

千樹西風掩草堂秋燈獨坐意偏長環階露冷楓垂
影傍院塵清菊吐香何處鴈棲江色白是時鶴睡苑
容蒼舊遊巖洞堪携杖多病詩書每捲床我已林居
如放逸人今雲路已飛揚樵漁一夢還相待棋酒三
生未可忘愁聽荷殘翻急雨愛看松秀閱深霜高樓
唱鳳琴心寂古壑吟龍劍氣涼却爲留賓通薜徑行
當訪友作蘿裳沼臨淺水魚歡樂閣送餘春燕惜芳
湖上落梅凭悵恨谷中叢桂戀疎狂鳥尋短戶依依
宿花向寒齋暗暗藏紫陌醉醒無日夕黃金來往似
陰陽孤襟到曉歸虛境淡畫分宵對遠光客斷壺空

雲石遺稿 卷一
休更歎爽然因得飲茶方

又用詩牌三百二十字

幾惜流光每有詩窮居笑我冷生涯黃神日月迴殘
夢紫洞烟霞繞積疑濶地自多君子樂聽天安可世
人隨重軒疊閣孤雲影秀野閒洲晚照時冬近園梅
還未也北來渚鴈更何之金盃已斷清輝映玄髮翻
如麗景移雅境賞心幽竹嘯朗吟側耳古松碁百家
遍閱坡文勝雙劍和鳴燕唱悲江海終能通遠眺陽
春長似轉寒吹前溪漸悵農樵路上苑偏憐雨露枝
桂影紛紛鶯附院川菲渺渺鷺橫池棲深谷口車難

訪侶結廬山杖欲携列戶理衣砧響急環臯籠錦畫
痕遲遙扇稍喜眠床寂曲檻虛驚醉帶垂曉把茶壺
初起睡夕開階席乍留題餘葩搖落疎簾望空壑蒼
然片帆思見說送歸年暗老登高發歎水離離

詩牌聯句

用一百字

老樹翁襟合閒花客夢幽景明多勝事居靜結清流
洞裏難尋隱塵間未斷憂掩門玄有草當路玉無求
好閱天階影文暉暗暗投

秋夜闔詩牌

風吹鳴鴈數聲喧獨抱孤筇訪友軒酒韻琴魚皆古

雲石遺稿 卷一
榻竹君雪客共秋園枝頭綠艷歸何處臺上蒼涼近
薄昏已度盛年垂髮皓行收舊曲聽新翻

其二

絕愛無人接事稀坐吟霜岫碧微微雲陰乍靜紛沈
澗院落皆明候捲屏滿塢菊深歡共飲環汀蓮冷恨
羣菲倚樓正可留佳友流水琴心待發揮

其三

環松帶竹景還幽蚤晚林廬放浪遊白雨正疎鴻落
渚蒼烟欲散鷺尋洲巖泉有待遙回夢杯酒皆忘乍
拂愁却歎玄床千理在靜居氣味也休休

其四

西臺霜掩繞秋泉淡淡花如鶴下天映閣餘寒憑悵
望捲簾長玩礙疎烟荷汀未許芳先老梅野還思色
正妍每欲鄰人同我飲松蘿微路隔溪穿

李景進見訪江榭拈杜韻 乙丑

鉛槧勞勞枉費功歸來偃仰樊廬中平生抱我同人
志今日知君下士風天地襟通孤月白江湖酒散夕
潮紅林居習靜非觀物敢把紛綸問化翁

李聖瑞 海應 留詩而去追步以謝之

夢回春意闌千門斗柄蒼然已見昏好雨破冰仍活

水微陽嘯木自新根送僧南郡雲生衲留客東江月
入樽歲歲此中人易老那知造化去來痕

其二

客携明月下東門微徑疎林透薄昏不有文章通夜
氣可將交契托雲根故人已到潘郎鬢此世誰開北
海樽醉去軒轅狂道士但教詩史墨留痕

斗湖泛舟

離別郊園十數秋東風吹我復前遊新年草色平原
宅落日江聲上黨樓涼袂拾星人似晝輕船吸月酒
如流嘉賓不負良辰約病後詩靈強破愁

燈夕聯句用卦名體同懷蘭作

燈節比元夕萬家人如櫛懷蘭恒屆月未妒震域需佛
日雲石藥珠大有光乾坤相蕩瀟蘭幼小過此辰輒禳
无妄疾雲隣朋既濟勝接履剝衡革蘭飲困殺核旅
隨俗復榆鐸雲坎缶屯士女詎異匏革律蘭市大畜
巧製睽日萃巾緝雲建棚模大壯籠紗益蒙密蘭火
雷如噬嗑虛中孚天七雲瑣小畜物象豐亨鼎彝質
蘭渙聚師中旆升降井上繡雲大過沙羅樹陸離咸
結實蘭檣簇未濟津燭炫歸妹室雲廣陵一解頤詭
觀蠱神術蘭侈豫還自訟九華賁泰壹雲策蹇去臨

高占得同人吉蘭 艮峰俯兌道晉步夫難悉雲 宵明
夷猶久星遯月漸出蘭 醉興無損否謙謙愧醒述雲

敬次家大人 華寧殿齋居韻丙寅

圭璋多士摠頤頤 原廟朝真淚滿衣千歲白雲臨
陟降萬川明月駐聲輝南都仗蹕香猶濕東壁圖章
墨未晞自幸吾身能及見書生敢恨盛時違

訪花隨柳亭

龍池上首彩櫺斜尙想 先朝馭翠華今日垂楊連
御路一年芳草繞官家春風共是思歸客斗酒相尋
未盡花衣袂頓忘侵夕冷層城無數起丹霞

李景博光文 兄弟來遊值風雨未能巡城晚飲

訪花隨柳亭

惱人風雨阻登城未借天公一日晴有約每憂期易
失相逢堪歎事難平何煩破屐隨山色猶得危欄聽
水聲醉到夕陽當盡意茲遊奇絕不須輕

謹次金淵泉丈人履陽 俯示韻丁卯

湖山如畫畫生明描得丹霞映碧城誰向同人談四
海我從平地見三清蒹葭歲晏幽期在鴻鴈天高遠
意萌自是蕭閒無定界烟蓑雨笠摠歡迎

秋宵小集

近卜芳隣孟氏園愛他幽絕隔塵喧林花晚晚春歸
迹澗柳虛明月出痕筇屐幾勞朋輩至酒盃聊挹座
間溫詩豪先着驪珠摘肯許疎才綴陋言

詠畫柳

隋堤十里七分移八帖繡屏翠鎖枝長繫紫騮留短
岸不飛黃鳥掛輕絲依然雨暗垂條重怪底風來拂
葉遲何事美人問不答綠陰深坐若相思

李黃庭 台升 夜至

北里南厓信未遙故人乘夕下衡茅酒因得月忘前
戒病為看梅耐暫拋樺燭重挑餘話展輜軒纔返近

詩抄豪情尙賴夫君在肯向風塵恨寡交

李學士可用 潞 來訪共賦 戊辰

隔岸名亭號狎鷗中間虛白是長洲開樽月到滄江
口舉袂雲歸大野頭澗道不迴車馬迹春江都付釣
魚舟夫君屢賜投瓜報詩似琳琅筆似鉤

早起

窓外鷄鳴警臥帷冠衣稍待曙光遲簷雲夜宿歸何
處葭露晨橫有所思羣妄未交澄氣色一源初覺寂
言辭須臾日出多塵事喜怒閒忙等是疑

奉簡李可用

朝隨流水到前山山水斜陽倦更還草盛牛行元不定花殘燕語若相關讀書未遣胷中苑撫劔多因醉後閒差喜故人詩有約清緣共待綠楊灣

以明文奇賞奉借李可用仍呈長句乞和

太祖皇帝御八紘人文化成黃河清首延耆儒咨禮樂弓橐戈戢規模宏濂基禕縉東南美煥然製作記聲明繼而和者方正學山斗宗仰四海傾大家名家武相接中葉獨步王文成太平漸久元氣削蔓延萎弱墜雄勅是時何李力振之一循古規自西京白雪樓起風益高後進七子狎主盟下掃糝糠摹琬琰超

宋軼唐劇縱橫或開歐曾三蘇派妄庸巨諂疵世貞從此天下操觚羣滾滾各以其藝鳴正始杳茫餘響亂徐袁以外無足名東壁光輝三百載洪武幾變至啓禎衰世於文多鉤棘吉人之辭和而平斯事雖微不可闕恒與治道關否亨誰能刪述嘉後學賴有太史陳明卿百八十人人取長勒成一部神識精不以東裔爲卑鄙中華亦進參羣英特書明文奇賞字先揭序例次批評恰似瀟湘洞庭野樂之大成張韶譔又如至味羅八珍熊掌豹胎全鼎烹 皇明右文今掃地頗幸是篇垂章程我友一見偏愛玩辛勤借去

雲石遺稿 卷一
徠專仵周誥殷盤皆典型非不灑灑充棟楹雅尚在
此不在彼知君本有風泉情

次李可用韻

此日端陽月扶痾強把觴雨中梧葉大風下竹根涼
鈴槩空違志刀圭但檢方數承君子教詩約敢相忘

憫旱

頃刻陰濃一霈看浮雲忽散竟無端三旬未足黃梅
潤四野關心大麥乾漲日塵霾還午熱拂風晨夕似
秋寒泉聲謾繞幽人枕霖雨殷家夢已闌

用前韻詠 太宗雨

靈雨年年是日看 獻陵陟降白雲端生民食息留
膏澤 先后精誠逮旱乾帝眷默垂春更溢天威昭
在夏猶寒田間解撰於乎頌四野秧車節未闌

喜雨

暖風蒸山霧片片繞江門晚作霏微勢霈澤優田園
漸欲流麥浪已復茁桐孫病夫病新起歡然倒清樽
一疊喜雨詩聊欲謝乾坤昭蘇十日旱孰非 后皇
恩花奴也更閒不勞汲水盆

葡萄

紫包圓復橢纍纍掛秋陽倒引龍鬚勁中含馬乳香

灌盆如淺沼風架是空廊漢水盈宛酒爭瞻碧玉光

海棠

獨帶天姿艷嫣然笑晚陽酒濃疑有睡詩拙恨無香
宿露滋幽逕朝霞浸曲廊海沙多絳實偏爾閱滄浪

過李黃庭斗臣

辛未

君有佳兒君不如才高仍復愛看書奇珍自是藍田
種良驥偏多伯樂墟天下詩名將又在少年文賦卽
其餘無論世世爲交事折輩從今且莫疎

初秋遇西都賓共賦

默數今年已半年閒邊多少等愁邊神融午枕支離

蝶耳爽晴林斷續蟬鉛槧盡拋詩則未刀圭不去病
之然故人忽帶清飈至始覺微涼動遠天

客至

客至香生座秋樓破夕烟茶應不如酒肉固勝於絃
冉冉燈前話遲遲枕上眠微才承末契古誼續新緣

次三淵集韻

歲云暮矣日之西零葉千聲入倦蹄幽逕拄筇孤菊
老寒星掛樹數禽啼消來永夜燈懸壁斷送殘秋石
出溪莫歎風塵愁鬢白詩人自得好評題

其二

支離病榻太難堪
朋酒為歡強笑談

閒夢偏憐未老時
宦游曾愧非才恭

疎慵頓覺多陰苦
名利渾忘入睡甘

點檢平生事一可
鏡中鬢髮儘垂垂

雲石遺稿 卷一
行路透迤覺日艱不如歸去我鄉山樓高薄試秋來
目石老羸爭病裏顏多讀有緣書自閣孤懷無妨戶
常關孟冬堦塞須經濟應復勞勞一室間

其三

忽見秋山如可人終南遠勢碧嶙峋寒聲砧杵千家
夕樂意壘篋一室春何事十年勞負笈至今江上悵
垂綸紛紛戶外千般計都與閒居把酒頻

其四

許久吾生混俗窠琴心不復托峨峨夜深星大疑天
近歲暮林疎喜月多每犯豪曹金谷罰豈堪孱衛玉

山馱寒鴉却勝愁人鬢閱盡三秋尙未皤

其五

愁來坐我夕陽園萬點蒼烟澹澹昏吳下正多張翰
帆洛中誰數李膺門何山雲自無心去從古松如一
節存奇氣藏胷驅不遣放看天地寄軒軒

走續三韻奉贈金祈汝

教永行篋

蘭兮在谷桂兮阿之子歸兮可奈何落木秋來頗寂
寞能詩客至好經過雪園授簡風流足橘老圍棋日
月多爲惜人間如漆髮一番離別一莖皤

其二

雲石遺稿

卷一

詩

注

雲石遺稿 卷一
清平江上白雲深此去欲從何處尋征袂迢迢明月
色離樽脉脉故人心直須加飯謀身健切莫貪程戒
夜侵遙想衡門高臥日錦囊應富遂初吟

其三

嗟哉宜讀復宜耕恰似韓公古董生陳篋數篇餘事
業誅茅十載幾經營怡愉晨夕趨庭色高尚風塵拔
世情知有看花期不遠林樊豈必久藏名

楊浦餞春日陪伯氏共舟仍迂牙湖尹使君姐

兄

慶烈

領漕之行

癸酉

玄琴三疊喚餘春春序雖歸春物新楊柳微風來借

客杏湖流水去迎人江間欲放翩翩氣塵外無拘泛
泛身高醉緩歌猶未竟錦帆指處岸紗巾

久雨有客

分此沾秧又注耕春田水澤也當平幾憐大界同罹
旱翻憾天公久靳晴高瀑遙江常會境虛舟漏屋劇
關情今朝爲客初開戶階上苔痕碧自生

靜遠丈見訪共宿

春暮如冬氣不分和颺一半是同雲杜鵑花乃遲遲
見黃鳥聲纔往往聞稱意非關今夜飲破顏惟賴故
人文知君明發江陵路鏡浦應多悵別羣

其二

何恨人間我輩人尋常混迹在風塵書如菽粟堪充
腹道未英華豈潤身怪事非時三尺雪韶光不日九
分春許心獨有東城丈始信交遊皓首新

酒禁 甲戌

暮年寂寞謝殘盃幾度良宵月滿臺我渴如羌空悵
望爾清為聖盃歸來眼前北斗高難挹肚裏春風浩
莫裁萬斛鴨頭波不變可憐濩落大匏材

晚秋次春樓三從兄 哲永韻

酒空茶歇篆烟翻古閣蕭然貯竺墳桐老自含冲素

意菊衰猶着淡黃痕胷中寵辱非真境象外文章是
寓言宅近囂塵心自遠考槃應不碩人諼

其二

雪花三尺白紛翻銀海茫茫沒衍墳所謂伊人駒去
缺不知何處鶴飛痕一塵休點烹茶韻萬象難分落
塵言獨有淇園青未改斐然莫使此君諼

次古琴篇琴腹有奇篆云

有琴有琴何代朔畫腹古篆鸞凰狀籀家絕學廣陵
空絃語惻惻無定向忽驚虛籟吹春樓主人作歌伊
誰貺鬱結龍門石上柯孤鉤寡珥空流悵燁爆火騰

遭伯喈皎皚雪激侯師曠文心細入山水間衆壑冷
然自生響月隱蒼松立重重天寒白鵠飛兩兩扣絲
讀銘仍叫奇墨跡宛轉圓如掌秘錄高擎金獅臺古
畫亂點草龍帳蝌蚪不蝕千年桐滿腔流活春雲漾
匪頭款識都寂寥塵生海水沙淘浪獨留此器晞朝
陽缺間一枝華裳裳妙製奇字兩相遇大雅不缺意
差強幾經今古騷人眼三尺磊砢歲月長客亦非俗
頗疎朗草堂深處抱而上一彈彈到水仙操百世在
前蒼茫想作者骨朽君何悲有詩猶可石鼓做嗟乎
古琴人無知酒醒梅落一放杖

昔歐公問東坡琴詩孰優坡曰退之聽穎師琴
歐公曰此祇是琵琶響耳春樓丈見余琴詩以
為似伽椰之琴其語絕相類故更步前韻解嘲
仍乞俯和

吾作琴詩吾自期一作似琴不琴知何狀春樓丈人
妙解琴與詩故將琴詩春樓向此詩却似伽椰琴一
字之褒踰於千金貺古琴有趣難為言孰能令人喜
令人悵君不見昌黎韓愈能文章聽琴作歌藻思曠
後來贊歎蘇子瞻歐公獨謂琵琶響况我不及韓公
萬萬層公與歐公侔為兩今古詩眼將無同漏洩琴

心如指掌琵琶亦學絲聲哀幾人淚灑明妃帳又不
見伽椰琴出古伽椰于勒製譜清而漾短柱纖指玉
房前十有二絃驚秋浪如怨如訴思自傷切切最宜
佳人裳方圓尚準兩儀則噍殺不雜南方強尚矣勿
論琴之雅琵琶也應較短長昔人只得琵琶像才薄
爭奈踰以上細彈伽椰讀我詩又難彷彿要妙想盡
家三昧筆家神按圖刻舟形徒倣韓詩萬丈日月光
後之逐者夸父杖

省永楸歸路擬訪研經齋成君

海應

未果述懷

十首奉寄

渺渺廣平山寥寥葬先人餘生淚明發孤懷何處伸
頻年事東征霜露惕履晨旅館無良友丙舍罕芳隣
賴君當道住慇懃慰此身

其二

吾祖有上賓後生及先公萬死同槎契涕淚話日東
不緣敦宿好那得眷顛蒙申申勉道藝邈哉古人風
珍重華陽記嘉惠尚篋中

其三

有苑青城宅文獻極磊落石渠窮蹟秘蘭室富述作
炳炳尊周書恐孤先王托世人誰復惜大義空束

閣抱經授鄉里君子亦足樂

其四

稼穡非鄙事今人反恥之矧能崇文學趣尚日以靡
陶令既云沒茲事夫誰爲獨有成使君澹泊守東陂
不必文與繡耕讀有餘資

其五

齋居號研經羣籍浩如何書序超獨詣漆蠹何其訛
又有深衣攷大能翼禮家雜纂五十卷朱鉛廣搜羅
華首志愈苦昔人未足多

其六

翼翼丞相院烈烈摠管祠其人雖已遠英風萬古垂
茲邦山氣佳賢豪故應期鼎鼎百年內地靈竟是誰
者舊存史例煩君一傳之

其七

寧王方冊 儲胄選極一時誰能秉其銓先臣實掌
之羅公起湖右耆德冠鴻儀郁郁醇齋筵尙誦穆如
詩後輩無能役相逢祇增悲

向日偶逢羅公烈之
亂於疎溪同宿故云

其八

鵬之久不見忽忽六七年南華如夢裏人事兩蒼然
我病今如許君衰詎誰傳聞說饒康濟縛茅更理田

雲石遺稿 卷一
縱欲幽居訪秋烟杳無邊

鵬之成君之弟
海運之字也

其九

昨夜涼風起秋雲滿天飛
崇蘭半委披幽菊獨芬菲
俛仰宇宙內耿耿誰與歸
邱壑忽見招吾道未云非
尚須買山錢巢許竟難希

其十

記曾雪城筒遠寄西原道
寵錫踰十朋厚意久未報
疎溪明月夜歸鞭更草草
懸知故人屋篝燈待客到
彷徨懷自發永言述今古

小華學士李景博燕行驢章

金馬門中近侍臣
玉河館裏小行人
聊知往役無多日
塞柳原華轉盼春

其二

熊城援卒議東浮
摠說皇恩外國憂
賴有寒泉家計在
尊攘一部續陽秋

其三

歲歲燕行送別時
風泉多少念京師
君去我留何所贈
更無新語可爲詩

簡申仲之燕行途中

送客中原去蒼茫
萬里輪燕歌今已遠
誰有仲之倫

暮春駱園小集 乙亥

赴招如赴約為在巷之南一會良關數餘春正屬三
乍陰幽草合復照艷葩含不妨杯前態疎狂亦韻談

次李學士彝仲 堦 老兄恨花怨玉二韻呈春樓

三從兄

剛被東君誤此生香肌銷瘦不勝清條風乍怕顛狂
度藥日翻嫌的歷明蝶戀羣芳爭倩夢鶯猜絕艷故
牽情紅愁未解黃昏近長遣梅神怨楚聲

其二

一種荆岑話宿生誰教憐我骨神清心非片石從他

轉淚是雙珠似箇明霍姐魂消春有恨秦娥夢斷月
無情芳緣願結夫君佩車上瑄然象德聲

更用前韻分屬諸公

特地為樓境自生枕欹簾邃有餘清庭留落月增昭
曠檐閱浮雲遞晦明北海衣冠高世事東山絲竹達
人情詩篇映發如花草爾雅之文正始聲

右屬春樓三從兄

學士門庭碧草生一塵不到地分清虛堂度暑襟期
冷古鏡驚秋鬢髮明近日文園多病歎幾年瀛館倦
遊情端居賴有消閒訣時聽紋楸落子聲

右屬彝仲老兄

愛約耽閒寡友生
冰壺誰識淡然清
圖觀勝地窮吳楚
詩選名家薄宋明
玉洞留禪搜古躅
丹山訪羽引遐情
邇來積雨無人問
蟬噪蛙吹數部聲

右屬三從兄 徽永

五兄頗學醉先生
終日牢門事事清
羞學俗趨爭巧拙
恐將形役弊聰明
朝陽閣上新翻曲
春樹樓中薄倖情
見說林泉涼雨足
可能從我濯秋聲

右屬再從兄 敏永

病多非必惱吾生
還得癯容分外清
九轉金丹都是

妄一雙青眼向誰明
疎燈古屋寥寥卷
流水高山耿耿情
十載棲遲委巷裏
世人那復識名聲

右自述

憫旱聯句同李聖瑞李景養作 闕沒覃韻 禁用疊字

年荒騷域八雨閱
惜春三聖鮎竹登城市
蛟梭隱海潭景魯
冠非有青周魃奈如
惔義喝子煩襟
叫耘丁恨語誦瑞蘇
珍思架潤桐惠企庭
泔養赭土其痒
稽焦金厥病痰義井
虹俄滅沒畢月各差
參瑞出垓蟬頻聚
銜泥鷺乍喃養徹
宜綢戶牖挽欲淨
戈錘義但擬琮
沈瀆寧須屐借
檐瑞耐飢泉可療
畏禁酒難醜

養舞場同俳戲鞭龍類坐談義陌紅塵瀕洞園翠葉

焦燻瑞官政堤功飭村豪水利貪養惜乾傷霧麥吟

渴憶霜柑義議賑倉人斛巡畊郡吏籃瑞涓涔焉少

補膏渥願均涵養涸鮒聊觀濮農鳩且訪郊義滄遲

霑鬱萸賜合晒苓苔瑞炎馭行方促雷師睡正酣養

葩謠烝白豕蕎諺噤黃鷁義宸念存兢惕廊謨重

荷擔瑞薦芬誠易格備札禮會諳養野丐紛烏攫江

商恣虎眈義漢囚疏滯在齊斂祛饕婪瑞黎庶將懸

倒玄機矧逾探養理推离坎協氣不澤山函義筆落

天慳粟堂成地護楠瑞潮奇藏蜃閣霞沫閉獅龕養

污壤猶資灌菑畦自引燁義火瘟禳浸熄草竊慮滋

飲瑞節省厨蠲膳詢諮驛撥驂養高門稀飯鑿列肆

雜衣襪義浮祲徵裨竈愆陽訊賈耽瑞何當典霽霽

並得沐盥義石電徒翻燁巖流未掩岷義仙符鬚

斷滴僧硯墨收菴瑞注渤誰量勺通渠謾執鑿養殷

霖咨傅築衛需待邢戡義菌硬銷斑暈苔凋貼紫弁

瑞仰蒼眉攢黛憂漆鬢搔髮養岱牒偏愁濕岐亭詎

樂湛義遠漕膠汴聞殘瀑鎖匡菴瑞臘雪真虛朕朝

雲幾遍罩養鼓羊童也妄歎鶴婦兮愁義信駕期星

夙雩壇用日闇瑞明河縑共素新旭絳還淡養滌滌

包窪突祁祁跂躄暗義血牛偵洗濯陰鳥候啁吟瑞

禱毫欽躬責歛衢羨哺含養熙雍由帝隲乖沴寔神

慙義究咎專經向書灾掌史聃瑞葵心傾杲杲菜色

鮮慘慘養果脩纒過穀秧尖始及鐸義薰應風解愠

薺或歲占甘瑞壁繪驚銀派瓶枝幻彩曇養燠騰丹

微焰涼徹碧穹藍義古礎津空抹晴絲靚足擣瑞蕭

羞稱赤母虞惕夢朱男養朽蓼蕃苗騰枯桑損繭蠶

義魚喁陂上下龜坼畝東南瑞肯道揮淄汗旋懷灑

嶺嵐養嗟嗟逢洊旱民物爾胡堪義乙亥冬隨北海再從兄鍾永副价之行淵泉金

尚書贈以五首詩途中謹次

勞勞一曲路橫斜烟柳殘曛悵物華問汝緣何何處
去鴻翎鴻爪亂平沙

其二

水碧三江似鴨頭西行直渡古灣州書生縱辱名公
餞無奈經年去去愁

其三

塵事千般儘覺輕蓬桑宿債在三生胷中倘有纖毫
計未必居然辦此行

其四

雲石遺稿 卷一 詩 三十一

雲石遺稿 卷一
淵泉垂老尚豪歌
新令離亭捲白波
憑我欲知天下事
百年消息是黃河

其五

幾曲崎嶇幾疊瀾
一樽聊博片時閒
燕臺舊俗何須問
已向荆卿傳裏看

碧蹄懷古

風激鳴林似戰笳
碧蹄遺事憶龍蛇
元戎狃勝輕師進
強敵投機半路遮
今日耕燒猶劔戟
中州精銳盡蟲沙
如何帝力難忘地
皮幣年年使者車

途中上伯氏

吾家昆季白眉良
四十橫經上玉堂
分手看雲應有夢
隻身遊遠奈無方
深知異域加餐語
絕勝同人贈別章
回想小峒梅發夕
巡簷悄悄獨斟觴

曉發崧陽

漸覺寒威壯
還疑酒力微
馬嘶凌朔氣
鷄唱問晨輝
落月荒城柝
繁霜遠客衣
一宵崧館夢
十里尚依依

金陵途中

映水屏前斜日時
金陵館外北風悲
欲知盛世皇華迹
斷岸幽苔剝落碑

謹次上使洪澹寧

義浩

玉溜泉韻

雲石遺稿 卷一
古甃餘香在朱梁舊食泉
菑葱雲浸壁晶玉凍鋪川
酒耐行臺伴詩慚使相聯
平生尊華志此去有誰憐

上伯氏

長安漸覺在天涯
日日征鞭望北來
落木三更遊子枕
浮雲千疊望鄉杯
關心朔雪魚書斷
屈指春風鴈字迴
共是分張阿仲遠
南州別緒動官梅

渡鴨江

我馬嘶風塞路長
官樽無力駐斜陽
生平每說灣州遠
回首灣州便故鄉

其二

風沙日暮馬蹄輕
只有黃蘆獵獵聲
借問今宵何地宿
荒墟遙指九連城

其三

蔽野旗旛號一砲
鎮江當日詫雄豪
督師自有尙方劔
肯使三軍盡姓毛

其四

鴨江西望鷓鴣山
青天末雲烟入杳冥
此日寒鞭峰下路
峰頭應見統軍亭

其五

戎裝刷佩渡龍灣
鞭外黃沙劔外山
恰似班生投筆

起朔風驅馬玉門關

葱秀次上价韻

柵外三停路連宵露幄開地非吾土有山似故人來
著勝由賢价題詩憶妙才溜泉餘宿醉於此好傳杯

鄂家庄送林督郵

貞鎮還

辛勤萬里伴夫君城外那知更別羣車馬蕭蕭三尺
雪燕鴻落落兩頭雲河梁送客詩相答易水遊人劍
忽分留約他年年未老莫須怙悵待吾聞

戲次行臺曹來鶴

錫正

平生眼窄小邦人遽道荒邊物采新試走燕都看一

過歸時應不暫停輪

連山關次上价韻

連山古
鴉鶻關

督戰紅旗日出關蚩尤東指古遼山何年飲馬長城
路此地棲鴉老樹灣未遣嫖姚臨瀚海徒煩宣撫禦
完顏書生欲老風塵裏絕塞空慙仗劔還

鳳山走次李君廷稷韻

陽關處處結佳緣君去今年又昨年何事香心猶未
已春風繚亂杏花天

雲石遺稿卷之一

雲石遺稿卷之二目錄

詩

平橋草堂次主人韓上舍霽遠在濂八詠

冬夜澹寧洪尚書北海侍郎再從兄來鶴曹承

宣小集皆燕遊同行也

讀隨園詩話有感并序

世子宮大學講畢後宣饌日次右翊衛李文洛秀

韻恭記

九月望夜桂院對直與翊贊鄭平仲東萬仍用

前韻共賦

奉贐伯氏石厓先生以書狀赴瀋京

用伯氏石厓先生韻寄贐戚姪洪穉敬在詰刷

人行業

又用伯氏韻寄贈經畹幕府趙芝園秀三

送李令彝伸出宰東萊

西麓賞春以是能讀三墳五典八索九丘之人

分韻得九字

次康翎李使君鎮華寄示韻

徐參判英輔輓

謝元若虛見贈韻

敬次鏡府壁上韻并序

次韻謝研經齋成君

次伊川宰柳和之詠寄示韻

李松嶺并序

家姪秉龜步唐人張若虛春江花月韻詠上元

月邀卞海夫持淳同賦作詩社一佳事余亦

口占戲次之

三清雨後陪伯氏與洪內兄癡叟起燮氏洪戚

公獻穉圭族姪景吉秉鉉家姪秉龜賦晴

有故人宰邑者餉余一壺閔友元成龍顯覘之

隨卽書覓余故靳許元成又以四絕句相嘲
茲走筆步韻謝之

奉贐澹寧洪判樞赴燕 三首

黃驪途中 二首

飲博樓次板上韻

藥山雜詩 三首

趙芝園自定原來訪 二首

吉氏照海亭

棲雲寺奉次楓臯金公 祖淳韻

東臺

石倉途中

月林嶺

上院菴

內院菴西山大師影室

飛仙瀑布

次灣州大尹方野李景服 光正寄贈韻

寒夜無聊復次前韻

謹次北海再從兄歲暮寄懷韻

奉嶺闌恩命路上有吟

達城卽事

八月初吉趙通判

鍾淳

洪知縣

穉圭

金郵丞

善

臣適來時有酒禁自是日始

玉山書院

內延山 三首

東京懷古

海南臺

金海卽王考居停地感舊有作

嶺南樓

紅流洞次石上韻

露梁拈杜韻

錦山洞口拈韻

道中謾吟

次金郵丞韻

瑜伽寺敬次曾王考韻

粵在戊寅夏趙友

鍾淳

金友

弘根

相與圍碁賭

扇而趙友輸一局余亦在傍知狀矣乃於今

年趙友則以達城通判金友則以義城倅適

相會於嶺外袖券請償仍設小酌以敘舊話

李斗臣寄詩乞錢戲次解嘲

角干墓

半月城

渡洛江

知禮道中 二首

入居昌

謹次淵泉閣下贈畫僧巨鵬韻

謹次淵泉閣下寄贈東臺上院兩韻

聞淵泉閣下致政而歸謹呈二律

青巖亭

清涼山 三首

延祥帖 二首

春帖 二首

內閣直中詠鶴

省原阡按使鄭經山 元容 見訪翌日往謝遂登

蓬萊閣拈韻共賦 五首

端午帖 三首

內閣直中奉 顯隆園忌辰奉審之命道中口

號 二首

延祥帖

伯氏歷省先楸仍覽谷雲而歸李斗臣成稚文

憲曾 二客從之有詩成軸謹次首篇韻

墨莊春夜

將赴湖藩敬次北海再從兄贈別韻

路中次李白澗晦淵贈別韻五首

渡錦江

次姜君子鍾在應步疑清板上韻

又次子鍾韻

寒碧堂消暑謾次板上韻時方陳章乞解

盆池蓮開

登萬景臺次圃隱韻

北亭晚眺

卽事

聞黃庭李斗臣來訪走筆送中路丐和

家姪秉龜得暇南來將以行臺赴燕

龜姪共黃庭諸幕賓游寒碧堂余方憫旱未偕

忡悵無聊走次板上韻邀和

苦熱戲題要子鍾和之禁炎暑等字三首

七月八日夜

旱餘得大需用前韻識喜

完山秋日拈韻

又拈宋人詩韻

茂長使君族姪 秉常 適至拈韻共賦 二十首

寄吉州新牧李台景服

伯氏石厓公寄示與李希谷 止淵 留相白澗倉

部黃庭詞伯酬唱詩卷謹次郵呈用博諸公

一 粲 十首

九日遊靈巖美黃寺

達摩上峰

月出山

觀海

登光州無等山


廣寒樓次白湖玉峰諸公韻

雙溪樓次前韻贈羊嶽上人

內藏月夜與武靈金使君 裕憲 長城申上舍 禹

模 白羊老僧亘璇拈韻共賦

次醒庵定師韻 三首



雲石遺稿卷之二

詩

平橋草堂次主人韓上舍霽遠

在濂八詠丙子

前朝老石大冬松一夜同雲繞萬重正好此時顛態

發蓬頭跣足最高峰

右松山積雪

聞說幽人小屋成倦遊如夢玩虛明爭教一段無心

物還向青山起處橫

右龍岫橫雲

雲歸木落雨兼風萬種荒涼此古宮最是不堪回首

處西臺日日掛殘紅

右古宮夕照

門臨兵部舊虹橋橋上繁霜耿耿宵在昔轟闐聽漏

地溪禽驚月曙光遙

右荒橋曉月

山更逶迤野更紆東邊一帶盡平蕪聊知細雨青郊
路春色多應送客孤

右東郊平蕪

北洞家家萬本蓼名園歷落抱秋林吾人卜築知何
在叢桂靈芝世外心

右北村寒林

前村垂柳貫雙溪隔水春陰漫漫低爲是故都多感
慨淡烟微雨憶隋堤

右雙溪楊柳

名山無限貯烟霞中有霏霏玉洞花剩得春來紅勝
錦韶光誰是主人家

右五冠桃花

冬夜澹寧洪尚書北海侍郎再從兄來鶴曹承

宣小集皆燕遊同行也

疎才多愧抗青雲枉被諸公客禮分旨酒先春爭臘
色德星方夜動天文佳期洛社風流盛宿夢燕程雨
雪紛譚笑盎然梅自煖室中衣袂盡清芬

讀隨園詩話有感

并序
丁丑

直廬無寐偶閱袁枚隨園詩話補遺第三卷
有云白下秀才司馬章字石圃風神蕭灑年
少多情而仍記其詞曲數闋此人今現任薊
州知府余燕路相選與之酬唱者也驚喜如
對以詩志之

忽忽車笠薊門城萬里東還尚係情誰料小倉詩話

裏白門司馬是君名此即溫公後裔而工於詩云

世子宮大學講畢後宣饌日次右翊衛李丈洛秀

韻恭記

衛司清切備筵官奉冊朝朝侍玉欄將就有由欽燕

翼光輪何補愧螢殘編年事實方資鑑時將繼講少微通鑑新

日工夫已戒盤講罷仙厨蒙賜饌况疑身到桂宮寒

九月望夜桂院對直與翊贊鄭平仲東萬仍用

前韻共賦

胄筵纔退是閒官暫拂烏紗倚碧欄綾被夢回雙日

後紋枰坐到五更殘秋華未老宵分酌仙桂初圓月
似盤誦罷新詩香滿頰不知霜露薄生寒

奉贐伯氏石厓先生以書狀赴瀋京戊寅

夏日烈烈苑柳蔭之輪軒西征官塗倭遲中原有蓬
于隰有桑我送伯氏至于崧陽

翼翼崧陽先人是經維今之尹亦我諸兄式謙以饒
我思悠悠公昔于燕我從之遊

我從之遊維雪紛紛夫子于役炎雨炎雲克忠克信
克篤克敬夫子于役承王之命

承王之命自彼湖南繡衣持斧德威是覃迺選行臺

于藩之中侯誰价焉元老韓公
出其西門朱華冒池我有旨酒載唱載歌如彼參商
或西或東河之洋洋積土芒芒
熠燿在庭蟋蟀在壁誰謂苦熱亦有絺綌雖有絺綌
無棄羔羊遼野漠漠八月肅霜
踔彼遼野日月其春遼之民人握粟出庸遼之旗人
持梁刺肥蒙人宣驕黃黃者衣
觀政于朝觀俗于野千里匪遙駕彼駟馬將我幣帛
攝我威儀我儀維何三百其詩

夏日八章

用伯氏石厓先生韻寄驢戚姪洪稚敬

在詰刷

人行集

遼東大地駕長風年較南遊太史公自是飛騰龍氣
紫豈堪乾沒馬塵紅戎裝已覺三江窄詩眼將看四
海空怊悵燕雲頻入夢老僮疇昔與君同

又用伯氏韻寄贈經畹幕府趙芝園秀三

會隨星節五觀風誰道書生不繫公此去三江沙漲
碧將歸兩嶺葉交紅中原物色山河在異域交遊劍
筑空見說遼人爭拍手霜毛不與往年同

送李令彝仲出宰東萊

庚辰

萊山太守理新裝驛柳關雲別意長爭說口碑騰北
府會從手斧慣南方百年陰雨邊門鑰一路風潮外
國檣聊與費君論雅量戒車猶不着棋忙

西麓賞春以是能讀三墳五典八索九丘之人
分韻得九字

秩秩林間席灑灑盃中酒歡然聽黃鳥結衿選良友
小亭西嶽下春物夫何有園花競後先門柳羅八九
豈無琴與奕溪山濯塵垢白日行正緩芳辰恐自負
嘗聞古之人一遊亦不朽羽觴肇洛波矢詩風流厚
牢落千載餘浮雲抗余首

次康翎李使君

鎮華

寄示韻

菰蒲爲政政何如且喜書緘展起居五柳歸情非宦
薄二松詩事卽公餘朝嵐暮瘴茶常煖歲儉民飢酒
欲疎定識官厨魚待價浦丁應頌下車初

徐參判

英輔輓 辛巳

大樹悲風起千軍泣舊恩 先朝勤宿衛繼世耀戎
垣座滿孔融客庭羅郭令孫頻繁三薦幕槎誼共難
諼

謝元若虛見贈韻

昨日玄髮今日霜誰人不老名利場但使金樽常有

酒肯羨三十侍中郎
蒹葭處處嚴陵釣
蓬草寂寂揚雄床
許久不見紫芝眉
自謂非狂也是狂
今年八月
沴氣熾累累
北邙皆顛僵
故人信息如隔世
長篇短絨情難忘
且喜搔白能揮毫
莫歎采綠不盈筐
嚙肥衣輕無片墨
古來詩人多朽腸
悄然東望龍門屋
屋底江漢流
湯湯滿天風
雪魚不食
何況煖厨羔與羊

敬次鏡府壁上韻

并序
壬午

英宗丁未我曾王考景獻公以北節巡鏡府揭
詩于壁越三十有一年丁丑我王考文翼公
以按查御史過此續題再從大父忠定公又

以巡使繼之實 正宗元年丁酉也逮 當

宁已巳暨辛巳副學

鐘永

校理

冀永

兩從祖

兄先後以兵馬評事亦次韻翌年壬午寅永
忝叨衣繡之命歷次是府撫先蹟遵故事盥
手謹次用抒感懷云

六郡棲棲怕焞陽
高樓乍喜樹陰涼
狼烟未夕先升
白燕麥濱秋始吐
黃祗爲北民咨
舊瘼莫教南院媚
新糴一門五詠
紗籠在榆塞還如入梓鄉

次韻謝研經齋成君

奉使北地還載閱
燠寒節豈不仗 王靈俗蠢吏又

雲石遺稿 卷二
猥莫副便民意若爲靖邊術芒芒六鎮土開拓緬風
烈毳氍襲冠裳皆我化中物白山秋塵淨豆江春波
纈百年稀警柝諸部悉遷窟自底文教訖非緣武力
撻終然戒陰雨戍障紛森列怕聽漁陽搗愁彈涼州
徹撫循或非宜人和容易失厚州最絕地其論自前
哲耳食縱云慣日擊諒愈切有嶺爲之禁殆若封疆
別荆棘倘一開鎖鑰謂多忽兵籌貴聯絡可但地險
設齧賈恣行李冒法亦多日西北綿千里邑邑近烏
喇果有南牧馬焉知何地出但教王師壯不係人徑
滅由茲接長津犄角勢當屹禁坑盜曾入陰平敵能

越自古攻不備無足恃崒翠羣疑旣塞胷說固難
豁才弱况重任錯做故非一的見惟此事能不奏金
闕

次伊川宰柳和之 詠寄示韻

我屋銅井園樹後松占一畝竹半畝坐臥自稱市中
隱何似故人縻五斗官廚爇桶當燒筍邑產搗葛如
粉藕更有石壁玉井句古峽文獻懷牧叟崑价發書
遠相問分以冽泉所釀酒民淳俗龐今猶昔清福於
君諒獨厚縱乏鄴侯三萬軸檢篋寧煩借書缶不須
異篇披宛委莫將奇字證窠臼滿箔清風聊試筆乞

雲石遺稿 卷二
與伊冀柳憲部願君持此掛軒壁朗吟可洗煩惱部
顏貌日豐病日良從來芪朮皆陳朽

李松嶺

并序
癸未

嶺在三水魚面舊堡蓋通長津路也首尾九
十里並無人居昔三水府使李松者始開此
路遂以名之云余於去年閏三月廿七日奉
命廉關北復命於九月廿七日閱七箇月往
還殆八千里山川城郭人物風俗之可紀者
不爲不多遂無一句詩識之蓋以心爲兩用
爲慮故也獨於踰李松嶺時無他事務之嬰

心者破戒口占聊見其道塗之險遠嶺阨之
崇深而已適春霏初開室無他客信手試筆
用述前蹟卽癸未暮春之四日

肩輿替力自平明嶺上斜陽未半程壑有洪濛開處
雪林無霧露捲時晴不知路轉何方去只信人從此
地行差喜三邊驅馬後滿山紅葉惹閒情

家姪秉龜步唐人張若虛春江花月韻詠上元
月邀卞海夫持淳同賦作詩社一佳事余亦口
占戲次之

上元月如玉盤平丹桂逢春魄盡生一年一十二度

圓月到上元月最明星是侯服環畿甸江是朝日燭
 冰霰除却雨灑雲綴外浮生百歲凡幾見三尺泥與
 十丈塵滾滾春陌忙蹄輪如此良宵如此月消受合
 是清福人對月哦詩詩能已對月飲酒酒何似濱梅
 汀柳亦生色江冰已泮盈盈水上卽月閒悠悠酒
 爲忙事詩爲愁何必赤欄橋頭行五更明月復滿樓
 月與人影共徘徊脉脉相照此靈臺春意藹處夜氣
 虛未許一點滓穢來我歌春月倩君聞愛我好我惟
 夫君冉冉流光頭漸皓興到欲狂焉用文月圓則虧
 未圓好此理會講讀易家祇爲以月名佳節偏惜西

峰月已斜仙子謾說乘雲霧游人空歎在道路較我
 月色誰多少春園更有盤桓樹

三清雨後陪伯氏與洪內兄癡叟起變氏洪戚

公獻稚圭族姪景吉秉鉉家姪秉龜賦晴

昨雨添流第幾橋漾青滋碧兩邊條三清水石那能
 忘五月炎陽不敢驕古洞有人隱邱壑好峰無數插
 雲霄回思二十年前事存沒升沈揔寂寥

有故人宰邑者餉余一壺閔友元成龍顯覘之

隨卽書覓余故靳許元成又以四絕句相嘲茲
 走筆步韻謝之

紅葉黃華兩美兼強將慵病捲秋簾不緣獨酌樽中酒那得高人韻語拈

其二

青燈一炷夜生華已待名醪到日斜試問重陽衣白使除非元亮更誰家

來詩恨錯過送酒人故云

其三

刀圭生活解官餘許久詩情酒與疎幸得開門紅友至春光還向病顏噓

其四

曾向扁倉至訓聽膏粱半世戒生疔如令一醉仍斯

疾從古無人贈滿瓶

來詩有獨醉生疔之嘲故云

奉贐澹寧洪判樞赴燕

燕地三驅使者輪悲歌常咽漢遺民不堪復問煤山事太歲明年是甲申

其二

曾隨北海涉遼東上价風流屬澹翁

曩余從再從兄北海侍郎遊燕

是役也公為上价故云

此日臨歧無剩語關河歷歷舊遊中

其三

香綠亭成奈樂何優閒更較昔人多

公於原峽別墅有小築號曰小白故事故云

只緣宿趼須專對又一新翻出塞歌

雲石遺稿 卷二
公兩赴燕號其紀行詩曰前出塞後出塞今將有續出塞故云

黃驪途中 甲申

澄光如練破層烟滿地江湖月在天定有魚龍聞鼓吹却從車馬就舟船長風浩蕩灘聲合遠渚微茫草勢連笑倩村童沽一斗如何對此不陶然

其二

江上棹歌三兩聲烟波隨處可藏名沿洄得月光難定湍瀨看山勢欲行日落菰蘆如更遠風來鳧鴈有餘清早知居水能相適肯把簪珪絆此生

飲博樓次板上韻

雙崖森束一溪通特地爲樓似躡空白石蒼松塵事外朱欄粉堞水聲中百年鎖鑰當西塞六月衣巾引北風自是昇平文墨吏行間羞說奏奇功

藥山雜詩

香岑如抱薩川平中有峨峨鐵瓮城地閱行人餘戰伐天開檀帝肇文明戎垣偃鼓三邊晏官閣携琴萬慮清忽覺終南回首遠瞻雲望斗敢言情

其二

朝衙纔退卽閒情卓午庭陰夢欲成敢道孱儒藏萬甲且從高閣閱三庚盤中細膾紅醪熟簾外涼蟬綠

雲石遺稿 卷二
樹晴不羨仙家勾漏吏茲山有草號黃精

其三

山樓秋信聽涼颺積雨初開宿霧消年熟公門無訴
牒夜闌賓席有吹簫羈愁不向樽前減遊宦偏知日
下遙莫道滁翁頹白髮文心樂事也應饒

趙芝園自定原來訪

羈思無聊獨上樓故人何處忽相求銀河烏鵲纔過
雨金井梧桐已報秋別後兩年羸白髮天涯一夕對
青眸祇應滿酌盃中酒自古陽關無此遊

其二

一輪晴月一層樓不用知州俸廩求松桂山空詞客
夜芙蓉水滿旅人秋姚崇有術非緣脚張籍無情豈
妨眸城柝遲遲機自靜閒忙隨處即天遊

吉氏照海亭

滿城涼雨雨初開牢坐無堪送客杯暫借舟舡橫遠
浦遂將簫鼓坐高臺山連野勢漫天去江帶秋聲盡
日來歸路斜陽何足惜香岑還有覽楓回

棲雲寺奉次楓臯金公

祖淳韻

有寺東臺下峰迴境轉幽待公遙命駕許我共登樓
鍾磬林間夕烟霞石上秋不愁歸路暗山月已纖頭

東臺

一逕抱城迴城窮忽有臺平行摩日月低視溘風埃
未覺身如粟猶言海等盃登高秋易感塞笛莫相催

石倉途中

古峽耽秋到日西金飈玉露共淒淒溪雲向夕何邊
去驛樹如煙一望低此路忽疑仙界近幾年曾惜佛
緣迷知公已慣遊山事捨却輕車策短蹄

月林嶺

度嶺爲香嶽強餘十里云問津橫薩水稽牒滌檀君
節序追紅葉巖阿足白雲今宵蕭寺月應不負前聞

上院菴

香岑秋色錦千層深處名藍最可凭珠瀑神淵多壯
觀虎臺龍石各奇徵爭言淨界超三昧誰覺禪窓透
一蠅林月迢迢松籟定迷津頓悟愧無能

內院菴西山大師影室

如蟻浮生睡正迷西山一棒喝天鷄休言色相都歸
幻尺幅摹真丈六齊

飛仙瀑布

上武陵溪最有名觀之爲快說猶驚雲霄半壁飛流
勢雷雨空潭迸落聲源似黃河窮漢募洞疑紅樹避

秦黥不緣至險難為勝一徑懸垂一徑橫

次灣州大尹方野李景服光正寄贈韻

西門鎖鑰賴誰堅如帶三江接九連愧我未酬鳴劍
志憐君已負請纓年戍烟獵火秋高後羈夢鄉書日
出邊共作迢迢關外吏滿山風雪片心懸

寒夜無聊復次前韻

少小蘭盟證石堅郵筒幸復境相連關河浩渺身千
里風雪闌干鬢一年笛弄園梅春有信樽邀塞月夜
無邊瓊樓玉宇知何處天末惟瞻北斗懸

謹次北海再從兄歲暮寄懷韻

朝朝北闕奉璋峨公退歸家樂意多對雪偏憐心共
潔哦詩渾忘鬢先皤李邕碑合盈門幣文舉樽須滿
座醅每向安陵城下路十年車轍憶遼河

奉嶺闌 恩命路上有吟乙酉

分外藩宣渡洛東地惟吾祖導仁風綿田處處無徵
白米舶年年有貯紅北極朝廷思舊績南州父老待
新功疎才實愧能為役時雨時暘摠太空

達城卽事

不耐如山簿涼陰揀茂林射為君子事酒有古人襟
夕露濃仍滴秋花染更深清蟬鳴未已聊作管簫音

八月初吉趙通判

鐘淳 洪知縣 釋圭 金郵丞 善

臣適來時有酒禁自是日始

簾間一枕忽神清
秋入轅門鼓不鳴
病客非緣裘帶
緩使君方值稻梁成
苔岑宿契欣詞伯
萍水新情悵
麴生數載東南多壯觀
莫云丞職負高名

玉山書院

鹿洞尋真滌碧溪
徘徊不覺日將西
圖書一室餘新
澤俎豆千秋即古棲
水有源流爭遠近
山同造詣孰
高低 睿緘 御藻煌煌在前聖
崇儒後聖齊

內延山

佛地幽懷發
仙山異景尋
飛泉通一線
峭石束千林
海上藏名遠
人間託跡深
青翁遊記在
曾結十年心

其二

雲烟多宿債
幢節又秋山
知縣談吾祖
題名在此間
不才慙繼趾
遺跡悅承顏
差喜東南事
非徒攬勝還

其三

龍湫極天巧
全管內延山
得此塵埃外
居然水石間
澹澹偏爽耳
轟轟盡怡顏
自恨風流薄
官途又促還

東京懷古

鷄林城闕盡荒田
欲問興衰却惘然
處處空山黃葉

雲石遺稿 卷二
滿時時一曲碧簫傳猶疑發翰長留魄未信文昌去
作仙十七萬家歌舞罷半規殘月獨寒天

海南臺

不滿東南地茫然海有瀆風濤常易合天水更難分
鰲背三山夢鵬翎萬里雲長纓誰繫越千載愧終軍

金海卽王考居停地感舊有作

吾祖居停此瘴荒悲歡振觸淚盈裳秋山竟酌萊公
竹南國猶歌召伯棠末路風波關一劫闔門天日賴
先王如今玉節來甸地肯道他人衣錦光

嶺南樓

倦道行人薄暮天纔登船閣是樓前南來始坐江山
裏明發應懸寢夢邊遠渚懷人生白露平林得月破
蒼烟細簾盡棟秋光滿歌舞何煩供客筵

紅流洞次石上韻

白石清灣路百迴洞門初豁別天開眼從佛界如披
霧耳向仙岑已灌雷紅葉方憐霜欲結蒼嵐更惜日
將頽高牙大纛還嫌俗慙愧千秋學士臺

露梁拈杜韻

樓船鼓角遶青山統制英靈恍惚間蠻祲永銷功不
賞魁芒忽折運相關中恢大業瞻碑額百世純忠錫

雲石遺稿 卷二
廟顏今日昇平誰所賜南藩猥撤侍臣班

錦山洞口拈韻

錦山秋色鬱嵯峨紅樹叢深白衲歌臺上跏趺千佛
定洞中鏗鞳五音多有時壽極星如月近日融墟海
不波一掬甘泉宜瘴濕居人何必飲無何

道中謾吟

泛海登山應接忙郵亭日日走斜陽潮聲夜落魚龍
窟霜氣秋高橘柚鄉舊識新交皆北地詩情宦迹共
南荒塵埃莫說勞勞事多病年來鬢已蒼

次金郵丞韻

郵人驅馬不須忙恰好楓林是夕陽一代詩名烏帽
冷三年宦業石田荒秋山拄笏遺塵事古館哦松憶
醉鄉却恨頭流違共覽萬峰雲樹劇蒼蒼

瑜伽寺敬次曾王考韻

高秋行縣節斜日訪山鞍先蹟要伸慕官途暫借閒
樓尊攀百尺松鬱蔭千間寶刹三韓古雲蘿幾暑寒

粵在戊寅夏趙友

鍾淳

金友

弘根

相與圍棋賭

扇而趙友輸一局余亦在傍知狀矣乃於今年
趙友則以達城通判金友則以義城倅適相會
於嶺外袖券請償仍設小酌以敘舊話

雲石遺稿 卷二
一局輸贏宿債酬風流定說兩知州何年妙着逢園
夏當日傍觀證奕秋病客元非貪美味吾人自是愛
清遊洛陽親友應相羨朱墨堆中好遣愁

李斗臣寄詩乞錢戲次解嘲

百萬青蚨嶺俸腴於君猶獨惜區區赦前豈有呼盧
債禁後元無典鷓逋白首詩饒顏更好黃庭讀飽病
仍蘇清高不讓江南士恐向陶家罵阿奴

角干墓 丙戌

青山長不改公墓在其中古洛靈源遠全羅間氣雄
名高爭北斗功大照彤弓風馬頻陞降松杉戒牧童

半月城

古郭周遭在年年綠草生望時眉勢曲登處掌紋平
歌舞前人跡雲烟遠客情去秋餘宿債此日復南行

渡洛江

新波添夜雨餘靄漾春空岸綠車塵外汀紅帆影中
却忘 王事重還與勝遊同頻歲南州路悠悠羨北
鴻

知禮道中

水是千迴澗山惟一段雲淺時魚可見深處鳥難聞
井里元如許官民詎足分一羊嗟十牧鴈鷺亦成羣

其二

筍輿三十里終日是山行雲出如忙事水流非俗聲
胡為來遠客無以答疲氓峽裏稀公牒心閒境自清
入居昌

眼明襟更豁度嶺即平原土曠分千畝川長注百源
春風公事少東道故人存遣夜宜清話何煩舞袖翻

謹次淵泉閣下贈畫僧巨鵬韻

一幅霜綃儼野冠斯翁昔日問何官非緣畫筆回強
壯直為禪家結喜歡白首能忘塵刹重丹心莫狀玉
壺寒詩門自古多方外師演師寥如是看

謹次淵泉閣下寄贈東臺上院兩韻

淵老西出關幾日返平安沮薩非天上

公雅欲覽關西曩余在寧

邊時贈詩有沮薩語追聞公果西遊

前詩證後觀藥山竦靈秀迥出霄

漢端青鞵換朝衣蕭灑放詞翰我曾陟其巔石磴千
百盤滉漭窮遠海不分空外瀾直當鍊城頭鎖鑰鞏
一丸望時如兀兀坐來何團團但覺神骨冷欲陳摹
狀難世情雖云膠到此秋葉單榻來遊仙夢長繞碧
巒岼數歲嶺南熱流雲渺重巒忽讀東臺篇快欲天
風搏不圖衰年筆有力尚桓桓

其二

嶽勝冠衆山茲境勝更絕勝境每邃境故多至險越
 不獨巖與泉掩映又林樾白雲其下起心眼俱可悅
 跂足攀鉤緮側身附薛嶮徑斷虎引度石撐龍吼裂
引虎臺龍角石皆在上院幽淨一塵無迴與人寰別復有垂練瀑
 奔騰列深窟源急勢撞鍾派遠韻鳴瑟却憶桑下緣
 流光飛鳥瞥但道名藍好難向俗下說簿書何滾滾
 烟霞念自切公詩逼三昧此心印彼佛古色標丹崖
 餘音繞蒼栝遂令禪門秘從此盡外泄凡衲安所識
 千載悵廓密宏廓探密兩禪實翔香山諸寺故云獨留貫月虹夜夜常
 起滅祇應全鼎在門屏貯他日

聞淵泉閣下致政而歸謹呈二律

三疏援年格九閹晚來清節耀 王言行藏盡付黃
 花圃寵辱俱忘綠野樽天上神仙應不遠山中宰相
 始爲尊絲絲皓髮餘恩沐回首觚稜詎敢諉

其二

西巖秋色可幽居高臥昇平老判書鏡水烟波清一
 曲都門供帳匝千車迷津夢倦回真妄遠岵雲閒任
 卷舒溢日藩憂徒悵望松喬河漢定非虛

青巖亭

青巖卜築問何人忠定權公古直臣刀鑊森羅皆遁

雲石遺稿 卷二
魄風霆簸撼獨嬰鱗黃門美話還書日白首危言抹
啓辰乙巳名賢如許盛却除休老恐無倫

清涼山

車塵馬足去來忙忽到秋山意更長聞說蓮花生陸
地地名終古是清涼

其二

崔子遺臺玉局殘金生古窟墨池乾閒雲晚向千峰
遍欲躡仙蹤覓路難

其三

敗譙殘瓦麗王宮尚想龍飛窟此中強寇纔摧良將

死那時鳥盡不藏弓

延祥帖 戊子

一夜春風至沖融滿紫宸栢樽恩禮洽金勝物華新
萬木方噓甲三元又得辛寰區皆自樂齊頌我 王
仁

其二

睿誠千歲祝 坤慶四旬躋輝潤騰歌遍恒升配德
齊太和流一氣諸福導羣黎共言春更早花柳望中
迷

春帖

雲石遺稿 卷二
同春品物摠欣然得氣差先十日前一理陶甄由化
久曾將玉牒頌於千

其二

時是重華攝萬幾 文孫又長若干衣巍巍做到難
名地高拱春臺駐瑞暉

內閣直中詠鶴

胎生羽化自仙風鶴比凡禽迥不同飲啄常隨林月
白翱翔且避陌塵紅如何欲向滄洲去忽復相逢禁
苑中憐爾低迴軒與料非緣逸翮鎖深籠

省原阡按使鄭經山

元容

見訪翌日往謝遂登

蓬萊閣拈韻共賦

十年遊子故鄉歸驛路恩榮馬欲飛按使檐帷能自
屈墓門松栢忽生輝此行適與巡旌會今日方知訟
牒稀聞說詩壇無一事畦秧隴麥足春霏

其二

高文雅度振華英曾向詞垣讓一名樓臺占界環三
島旌節臨藩撤貳卿公事花間春有迹詩情鈴下晝
無聲笙歌未妨觀風地祇爲良辰飾太平

其三

鳳凰臺下萬家燈高處無嫌步步登細酌初行晴月

住織歌欲發白雲凝郊舍積翠如千里山帶空明又
一層十載紅塵空勝節茲游清絕辦何曾

其四

何處布春迴今宵帶月來境輸仙吏管樓許韻人開
葉坐無爭席花籌不限盃多憐留客舞香夢負陽臺
其五
清分如公賦幾何名藩好作主人家鸞坡鳳沼迴前
夢雉嶽蟾江續舊歌末路苔岑元有數殊方萍水故
無多千鍾不惜通宵飲請較蓬壺灑灑波

端午帖

艾符環紫籘菖醞溢黃封試看日亭午祥光重復重

其二

花旭榴迎夏郊雲麥報秋仁風隨寵筵穆穆遍寰區

其三

殿角南風至沖融入舜琴一治明似鏡何用鑄江心
內閣直中奉 顯隆園忌辰奉審之命道中口
號

青綾倦夢鬢生華閱盡三冬不在家地分無人隲竹
葉天心有月憶梅花偶因馳驛如休暇此去朝 陵
是特差一出都門詩境好玄冰皚雪也堪誇

風折重裘雪壓輪留臺酒煖慰王人官樓月色回三宿
蹕路天香涉一塵笙瑟周賓會與宴衣冠漢廟更朝真
餘懷耿耿趨庭事未覺寒鍾報夜頻

延祥帖 己丑

新年物采湊邦休揔自青陽闢處收一世升猷仍衍曆
四旬躋慶更添籌天將化日臨黃道春與需雲繞玉樓
祝斗呼嵩遵盛典 睿誠東準已騰謳

伯氏歷省先楸仍覽谷雲而歸李斗臣成稚文

憲曾 二客從之有詩成軸謹次首篇韻

元戎雅度照冰壺恩暇東湖似鑑湖時伯氏管訓局而有仍佩戎符
從便往來之令先出斗湖別墅轉向永平云 天上垂衣無躍馬門前流水
有盟鳧經年雨露瞻先隴歷路溪山伴二儒題罷谷雲詩一軸名區自此未應孤

墨莊春夜

溪樽醒易得石枕夢難分庭豁堪邀月簷虛爲貯雲
道機閒處見天籟靜時聞滿洞栽蒼翠如何漏此君

將赴湖藩敬次北海再從兄贈別韻

未跋華筵燭郵人已戒鞍春塘魂夢遠江樹去留難
鬢欲憂民白心惟戀闕丹何當迴玉節樽酒更陪歡

路中次李白澗

晦淵

贈別韻

纔回嶺節更湖節非謂疎庸可救時自是先人留不
食無才無德荷洪私

先人曾拜嶺完兩伯並不赴不肖猥忝兩任故云

其二

祿仕初心尉與郎旌麾不料再南方回憐立鷺眠鷗
處幾度春風老海棠

其三

賑粒難周蔀屋中龔黃雖在不如豐憧憧趨節惟秧
雨望望登場是麥風

其四

盆中雅蒜閣中梅閒處高吟樂處盃如此生涯消不
得任教朱墨送愁來

其五

休說蓬桑是好緣箇中仍送許多年那知此日江南
道又拜吾人惜別篇

渡錦江

錦江江口畫船高春雨春漸長一篙忽覺飄然如得
意幾多車馬道中勞

次姜君子鍾

在應

步疑清板上韻

嫩麥如針吐碧尖江南雪盡雨纖纖登樓未敢春衣

試尙有輕寒乍透簾

又次子鍾韻

萍鄉暫聚復相違
流水浮雲未定期
春酒盈盈何處
飲一年芳草送君時

寒碧堂消暑謾次板上韻時方陳章乞解

碧山環一曲何似醉翁州
地復臨流勝人兼出郭幽
控章聊自暇橫遂澹將秋歸
計空遐矚斜暉漸入樓

盆池蓮開

天然獨立百花班
露下清香序未闌
秋水爲膚烟火
表朝霞上面醉醒間
何曾玉佩娟娟隔無待金塘采

采還莫把盆盎嫌太淺
寵光猶勝托空灣

登萬景臺次圃隱韻

白雲迢遰一蹊橫
登眺難窮遠客情
箕準南遷非故
國甄萱百戰有殘城
山間積雨何時捲
林外微涼昨夜生
王氣岐豐知始應
聖朝開府是陪京

北亭晚眺

睡起渾無賴仍謀避暑方
野亭聆急雨林酌送斜陽
祿厚民憂大年衰宦計涼
家書常指日京洛路何長
卽事

飲卯餘醺到午眠
驅除萬事更超然
鳴鳩語鶯濃陰

雲石遺稿 卷二
裏叢竹高梧積翠邊鈴索風微門似海簾鉤日靜漏
如年家家炊麥饑憂歇不獨農人可息肩

聞黃庭李斗臣來訪走筆送中路丐和

澤南誰可語茲心閒送叢梧寸寸陰已覺塵緣偏案
牘尙教秋夢且雲林頻年作客顛毛短舊雨懷人飲

戶深樓額久扁來仲字

董玄宰爲閩帥時欲邀
陳仲醇爲起來仲樓

寔然

直欲起呻吟

家姪秉龜得暇南來將以行臺赴燕

秉燭華堂骨肉歡他鄉恰似夢中看開顏不是羈人
苦握手何曾遠道難差喜阮咸能飲酒自憐疏廣未

休官問渠幾日燕臺去兩地相思悵一般

龜姪共黃庭諸幕賓游寒碧堂余方憫旱未偕
忡悵無聊走次板上韻邀和

湖外遊觀少茲區擅一州賓僚皆曠達水木足清幽
民食正憂旱官樽獨負秋元規那可及猶得上南樓
苦熱戲題要子鍾和之禁炎暑等字

無奈如狂復似煩扇涼水冷摠難援風林蔭鳥藏應
密露葉黏蟬擇自尊渴處徒聞河朔飲臥時偏念少
游言田中汗滴君休問通爽猶嫌丈十軒

其二

酒壘茶槍更覺煩一年勁敵企秋援思遊廣漠齊莊
叟願學清涼皈世尊雉羽裘焚無適用龍皮扇掛是
空言吾生未做羲皇夢合讓高人臥北軒

其三

萬斛塵埃未滌煩天河直欲手中援日臨大地威皆
仰雲作奇峰勢更尊朱紀星分非冷局玉壺冰照可
清言獨憐西砌千竿碧向晚濃陰倒浸軒

七月八日夜

晴月娟娟未半輪炎蒸猶與境俱新南方地下常多
雨旅館秋生又送人蟋蟀光陰應易變梧桐信息取

先臻自憐宿昔涓埃計排日工程在飲醇

早餘得大需用前韻識喜

雲出爲時雨崇朝五十州林光蒸翳翳山氣釀幽幽
爾魃逃何地吾龜占有秋笙歌堪取樂樂意酒盈樓

完山秋日拈韻

灑墨濃毫數幅綃故人相贈是瓊瑤簿餘拈韻條宜
密鈴下開罇戒在囂千里辛勤佳約踐一天寥廓苦
炎銷紅塵宦跡慚漁伴秋滿滄江不肯招

又拈宋人詩韻

公牒齊山戶外堆忽忽無復片時開金丹計冷憐叢

桂翰墨緣疎悵異苔天上幾宵明月到江南此日故人來官厨不乏如澗釀何妨糟邱壘作臺

茂長使君族姪 秉常 適至拈韻共賦

豐年物色野中青千里人烟戶不扃可道為民除弊事只堪行縣見名亭歡情最是逢甘雨恩旨如何當

福星 睿批謬蒙福星之褒 却羨長沙新太守簿書惟自讀禪

經

其二

四山秋意入簾青旌纛牙門鎮日扃誰送名醅紅灩灩獨憐嘉植碧亭亭吾宗奉檄仍花樹癡叔貽鞭又

使星 指家姪 自笑南來添藥裹炎蒸今已半年經

其三

歡然倒屣我眸青別館初開竹外扃千里江南遊宦地一年秋色望鄉亭詩情喜醉曾如海吏役妨閒髮欲星應有夢魂懸玉宇知君班撤舊橫經

其四

榆柳陰濃滿地青緗簾畫戟幾重扃層城霽景增佳麗原廟祥雲護毓亭夢寐西清羣玉府封疆南極老人星書生豈厭千鍾祿祇是藩憂已屢經

其五

雲石遺稿 卷二
竹葉留人分外青酒厨燈燭禁宵局歌嫌舊奏詩三
疊病喜新涼雨一亭涉世始開平等眼做官終負少
微星自憐錢穀魚鹽簿束盡芸窓素抱經

其六

吐盡眉霞十丈青歌筵舞席似林扃自我此來初把
酌送君何事可登亭深知兩地同明月難道參商是
一星滿樹西風吹未已擬將鞵襪付山經

其七

我服爲緋子綬青一般光寵在門扃餘生報答期塵
刹行處遨遊等幔亭南國論心應結珮北方回首每

依星疎才已試無成績努力桑榆是聖經

其八

百日紅邊四序青濃烟正鎖畫中扃深秋檠戟排吟
壘永日笙簫擁醉亭豈有書虹能貫月猶將劒氣欲
衝星他年倘遂休官計合誦金剛一部經

其九

秋水秋天一色青逢秋忽憶舊山扃病深只有三分
酒廩厚還無數尺亭吏事爲詩多潦草童年結友極
零星于今獨賴黃庭老休恨前生誤讀經

其十

雲石遺稿

卷二

詩

三十一

雲石遺稿 卷二
終南秀氣望中青一夢迢迢繞紫局羈枕共聯萍草
館飲筵宜扁竹林亭天光後夜將圓月時序西躔第
幾星我有幽居何足陋不如歸去閱金經

其十一

簾外遙岑寸寸青高人幾處掩幽局蓋公有道輕齊
閣揚子長貧愛蜀亭空谷歌翻衣有露明廷夢斷弁
如星操琴一弄名招隱曾是淮南枕裏經

其十二

南州產竹涉冬青竹是疎籬竹是局不數花蹊兼藥
塢何論月榭與風亭人間直節元非木天上精光合

有星瓊筍琅玕皆可食誰將此植著爲經

其十三

長林茂草鬱葱青中有真人玉版局玄鶴不來雲外
界白鷗猶待水邊亭陳搏罷睡誰千日張果登仙但
五星若道還元非鑿空也應昭載聖門經

其十四

驛柳深蒼欲變青行人何處扣秋局同爲遠客還歧
路直向神京僅百亭鴻鴈叫邊驚夕露驪駒唱後恨
晨星知應待我吾廬去更剪疎燈話所經

其十五

雲石遺稿 卷二
吾兄心地可丹青列戟門高靜似扇窮巷烟生應待
俸小園塵絕偶爲亭戎籌四境無烽火時事三階有
景星記得扁舟懸壁畫五湖何限鄴元經

其十六

人文汗盡竹編青近世紛紛各戶扇理學翻輸箋註
學稼亭爭較曝書亭千年德水誰回運五夜奎墟尙
看星自古燕臺多土地試教阿姪去談經

其十七

不關雲白與雲青心靜公門亦野扇前疏倘能還玉
節朝衣猶可辦茅亭方秋八月南遵海每夜三更北

拱星漸覺衰年無對劑軒岐何事枉垂經

其十八

左个明堂首闢青順時行令洞門扇聖人自古庚年
降治世如今午日亭飲水猶能歡似鼎宣風何以慰
惟星區區一段涓埃計學佛求仙揔不經

其十九

堦竹壇松一種青應將秀色護西扇羈愁日夜紛紛
髮歸夢江湖處處亭詩亦有神能喝月酒非爲病敢
囚星懸知老屋秋霖度憑付家僮曬石經

其二十

雲石遺稿 卷二
高燭談玄幾剪青更籌復欲罷嚴局恩深不敢懷投
紱志潔何嘗待築亭已判功名爲俗物尙憐綠業在
文星秋來日誦歸來賦好是迷津喚覺經

寄吉州新牧李台景服

因北關水災 睿筆特
除侍從五人爲北路諸

倅李台以亞卿出牧此州適有北人之自
南還歸者信筆書之時八月二十一日也

尺緘二千里遠寄臨滇守臨滇守謂誰卽我結髮友
學醇參經席標峻貳銓部今年命爲卿嘉會祝 聖
壽名聲方藉甚資望蓄已久如何一麾出却向摩天
外維時朔方路洪潦爲之害浩浩沒邱陵滔滔蕩溝
澮魚鱉飽人肉屋廬復何賴野哭直干雲殘縷盡寒

丐驛書達九重丙枕秋夜艾憧憧北顧憂先從軟疲
汰邇班揀高材夫君冠五人 睿筆親降批汝往牧
予民賜對垂溫獎馳駟戒遄臻傾都出東門把袖慰
北輪寧有幾微色原隰憚苦辛海隅蒼蒼者正是再
活辰湖客亦有耳聞之蹶然起想君所去處在古肅
慎氏白山下一支層濤淼莫涖此地昔銜命繡斧資
行李何能祛凋瘵每念尙包恥如今得循良堪爲北
民賀誠力之並到不足憂弊破流散已帖然閉閣當
高臥濱鹵蛤贏足歲儉亦無餓纖麻與嫩茸君子焉
可貨且待杜喬奏欲問卜式課南飛有鴻鴈德音莫

靳和

伯氏石厓公寄示與李希谷止淵留相白澗倉

部黃庭詞伯酬唱詩卷謹次郵呈用博諸公一

粲李公止淵時為南漢留守其仲氏晦淵時為太倉官

一軸瓊瑤兩頰香洒然如濯太湖涼旌旗日靜詩懷
曠裘帶風微醉興長綠柳叢中箋剪蜀黃鸝啼外
聽羌深知有味還無味世裏酸醎亦飽嘗

其二

朝衣纔退靜焚香竹雨荷風送晚涼有弟湖藩雲更
遠阿兒燕轍路何長敦詩望重方威楚糴穀謀深可

制羌伯氏舊管訓局新拜司農故引用兩故事云賓席清言多雋永較看

芻豢孰偏嘗

其三

留臺花木漫流香簾外青山往事涼細柳營深春酒
煖白登城古大江長徒聞國恥遺侵狄不見戎銜號
破羌歎息百年無死士割甘分苦可同嘗

其四

會期鷄舌侍臣香烏帽青衫更覺涼數載倉廩奇氣
斂百年林壑古心長奪袍詩倦難為宋增竈才高未
遇羌吾女豈諳甘旨事祇教先遣小姑嘗新結朱陳
擘女可念

及之
故因詩

其五

黃庭少小筆生香語語蒼然逼骨涼落盡菁華聲故
澀做成鉤棘意空長吾儕縱弊如分益此老猶強等
伏羌近日詩逋無可了南醪漫詫惡難嘗

黃庭近日南遊而歸

詩債如山而但稱酒惡不可飲故未句及之

其六

荷珠轉轉捲殘香南國爭歌白紵涼官酒送人秋水
濶羈窓破夢曉天長龍興沛社基隆漢馬涉瀛波欵
熟羌差喜薑畦饑刺史嫩芽如指始登嘗

其七

一路陰晴一炷香盡催餘白宦情涼生逢畫袞絲難
效身比鉛刀寸乏長桃李謠騰應有狄麒麟頌寢自
無羌民瘡吏瘼醫何術未信炎皇百草嘗

其八

螢牕素癖抱芸香興替無端百感涼何事鼓琴隨水
急有時鳴劔引虹長焚餘異論逃仙佛林下能言兆
羯羌縱是一般糟與粕想來真味少人嘗

其九

華堂酒煖綺羅香昨夜緗簾小雨涼座上詩人推夢

得幕中才子數文長
叫回鴈陣猶從塞
吹送春風可到羌
恭識瞻依原廟在
衣冠月出禴祠嘗

其十

幾回春信尙餘香
籬下黃華序又涼
未敢驅車愁九折
何須秉筆擬三長
聖人用夏能行貊
君子居夷不及羌
舉世皆趨梁肉好
滿山藜藿倩誰嘗

九日遊靈巖美黃寺

靈迹達摩境名藍
古朗州馱經如白馬
相地是青牛古紀云石帆載經來泊此山船中有石破而出青牛以經馱之隨其止處翔寺藏經卽今美黃寺也
碑記三韓衲門臨百粵
舟山中逢九日端不負吾遊

達摩上峰

豁然憑遠目海上
此峒嶢大陸窮丹微
層濤混碧霄塞鴻飛
不到瀛鹿杳難招
上峯正南望見漢挈山而山有白鹿潭云
欲辨乘風帆秋光處處搖

月出山

峰峰峭削競雲根
九井天王號最尊
飛鳥千山愁眺望
旋螺一逕怕攀援
風烟向晚皆秋色
羈旅登高又海門
曾讀農翁遊後記
此行還似宿緣存

觀海

觀海難爲說蒼茫
理莫窮乾坤如許大
日月出其中

既積應無竭能虛竟有充風恬波自晏知是聖人功
登光州無等山

目界羣巒摠下流是知無等命名由起平地上三千
仍臨大江南五十州石有卓然爲瑞物山應藉此作
靈區浮雲捲盡罡風定休道天公不假遊

廣寒樓次白湖玉峰諸公韻

鷓首虹腰護碧波池塘一半彩欄斜稻梁繞地秋聲
急笳鼓留人宦迹多夜夜天孫機上錦年年桂子月
中花問余何似山公醉應有兒童拍手歌

雙溪樓次前韻贈羊嶽上人

破衲厖眉八十僧相看不語似無能禪心已與白雲
住嶽色豈緣紅葉增異代題詩多古雅晚秋流水最
空澄誰知滾滾塵埃裏却向諸天試一登

內藏月夜與武靈金使君裕憲長城申上舍禹

模 白羊老僧巨璇拈韻共賦

漸向東邊得月明登山不怕徑難平柿林箇箇霜初
結楓葉翻翻露欲橫倦轍何爲人外境疎鐘自異世
間聲詩禪韻士能相待三笑廬岑畫可成

次醒庵定師韻

幾多人外傑然民自古侯王有不臣運水搬柴皆可

雲石遺稿 卷二
妙降龍伏虎亦非神誰知墮落爲魔學難道莊嚴是
法身我欲參禪還未暇一方儒化愧彬彬

其二

獨樹槁枯證法門青柯綠葉幾時蕃
松廣有一枯樹亭亭獨立風雨不壞諺傳普照禪留讖云此樹若生我當再來云多生共待緣應重平等相
看道始尊鐘磬三時禪戒定旗旛一路俗規煩遠公
且莫投筇笑知有東林送客猿

其三

紅塵日月劇如流我愧年衰官未休何事華輪爭遠
道偶來蕭寺見深秋纔能破幻迷真性强欲摸空污

佛頭曇雨慈雲前約在任教高足下山樓

雲石遺稿卷之二

